

عرض حال

محمد التمساح

الإخراج الفني / جهاد التمساح
تصميم الغلاف / محمد حافظ

الإهداء

إلى من سكنوا فى دمي فأبقتهم روحى
فصرنا شيئاً واحداً
أمى وأبى .. إخوتى وأخواتى
زوجتى وأولادى .. أهلى وأصدقاء دربى
إلى روحى .. أخى / صلاح .. وأختى / زينب
إلى كل ذرة من تراب السويس والوطن العزيز
إلى كل الإنسانية

أولاً : القصائد

تصويب
الأخطاء المطبعية الواردة بالديوان

- ص ٢٠٠ نقصان
ص ٢٠١ سطر رقم 5 (ركبته)
ص ٢٠٢ سطور 10-11-12 زيادة وهي لمقطع آخر بعنوان
البر (تستحيل)
ص ٢٠٣ السطر رقم 10 (وفاضلك)
ص ٢٠٤ سطر رقم 5 (تدور)
ص ٢٠٥ عنوان (اليافضجة) السطر رقم 2 (شرب- عسنا)
ص ٢٠٦ سطر رقم 5 (ومين للثاني عوزته)
ص ٢٠٧ لمقطع يبدأ بـ (بعش أخ ولا ين عم) وهذا هو سطره
الفرع
ص ٢٠٨ عنوان (ثانياً لمقطع الشعريه) وضع بالخطأ
ص ٢٠٩ سطر رقم 4 (تخيه)
ص ٢١٠ سطر رقم 5 (فتح)
ص ٢١١ سطر رقم 7 (ألد)
ص ٢١٢ السطر رقم 7 (نت المفضضله)
ص ٢١٣ السطر رقم 2 (زيادة حرف الو نو في كلمة (وبيرفعك)
ص ٢١٤ السطر رقم 9 (مسحة)
ص ٢١٥ السطر الأخير (والسحن)
ص ٢١٦ السطر رقم 1 (وانتصابك)
ص ٢١٧ السطر رقم 14 (قام بكتابة أغاني مسرحية (بطاقة
شوف)) ولم يتم بكتابة مسرحية ذاتها
ملاحظة: يوجد بعض مواضع من المفترض وجود علامات
أسكهم وتعجب بها

من غير مدد

الناس تعوزها
ف الوسع تلاقىها
وياك بميت لسان ولسان
ولما تبدأ تنغرز ف الصعب
وتخش الميدان
كله بيجرى وينفلت
يزرق بعيد
وتعيش وحيد ف أزمك
من غير مدد
ولا ريق حنان

الحبال الدائبة

الحبال الدائبة بيّنا
كان بودى تمثّينها
انما انتى مُصيرة
تقطّعها وتفصلها
بس خدى بالك يا غالية
اللى فاضل حبل تاك
لو تشد ايديكى طرفه
تبقى فعلا فضيتيها

ناس كثير

فى ناس كثير بتحب
موت .. عشق الحياه
وناس كثير عايشة
الحياه كارهاها موت
وناس تموت علشان
تكون طوق النجاه
وناس تعيش بس
الحياه .. علشان
تموت

طرح الرماد

النار بتاكل كل شيء
حر وجميل فينا
معدش فاضل أى شيء
بنحبه حوالينا
طفح الخراب
وهم وسراب
صَبَح الرماد طرحنا
وحصاد تقاونا

مركب ورق

مركب ورق عايم على
وش وسما البحر الغويط
شارب غرق
محسّيهوش
كَبَانِه ولا قلب
رُبَانِه العبيط
اتسّوح المركب بعيد
قام الورق فُتّح وباش
ولا حد عاش
غير صمت صوت
الاستغاثة
والصويت

الحقيقة والوهم

الزيف محاصر كل شئ
جوانا أو برة
كل الحياة متغلفة سكر
لكن مرة
بقت الحقيقة وهم
والوهم الحقيقة
ايه الطريقة
اللى تخلى
كل النفوس
حرة

القلق والنوم

مرة القلق والنوم
حبوا يكونوا اصحاب
عاشوا ف سكن واحد
من غير حيطان
ولا باب
النوم فرد جسمه
ويدوب غفل سینه
زَعْدَه القلق فزعاه
قال له اصحى فوق ليَّه
لو ناوى نبقى احباب

عُمر بحاله

انا وانت يا احمد يابنى
بنموت نفس الساعة والثانية بالضبط
انت بتموت ف البيتزا
والتورته والكنتاكى
لاكنى بموت علشان
عمر بحاله
مقدرتش أدبأ مصاريفهم
واشترى همك
دلوقت
أبن السرايا والثحف
عبد الترف
عبد الشيطان

مفیش جدید

أنا مهما اقرب
برضه ليه منك بعيد
ومفیش محاولة
لقربنا
بتضيف جديد
قوليلي معنى
القرب عندك
يبقى ايه؟
والحب جوه
قاموس حياتك
سور حديد

نفس الانتظار

بتدور الناس ع اللي
مش لاقياه ف غيرها
وبرضه غيرها بيانتظر
منها انتظارها
ابدأ بنفسك أولا
وانتهى وصح مسارك
قبل ما تطلب من الناس
تبتدى تصلح ضميرها

بدر التمام

الحلم لما انولد
كان لسه
عوده نحيل
اخضر كقلب الوطن
قمحي بلون النيل
ولما طاب واستوى
بان ع الملا حسنه
بدر التمام ف السما
راشق ف عين الليل

لا شيء

بتدور على مين جواك
ما انت اللي فتحت الباب بإيديك
واتسرب منك .. فيك برّاك
وصبحت مشاع لحدادي الغيم
تستوطن بدنك كيف تشاء
ودبحت الميم .. وشنقت الحاء
والميم الثانية بقت أشلاء
والدال مبقتش تدل عليك
أصبحت خلاص أشباح وخيال
وفاصلك ايه ؟ دورر حتلاقي الباقي خواء
حتلاقي لا شيء
واقف يترحم ع الأشياء

ابن المستحيل

الشط واحد والرمال
هي الرمال
والبحر شاهد والسما
وصمت الجبال
وانت ابن بطن الارض
وابن المستحيل
انت اللي دفاع التمن
وقت المحن وقت الطوفان
انت اللي قابض حصتك
ابن السرايا والثحف
عبد الترف
عبد الشيطان

دنيا مليانة

دنيا مليانة بلاوى
كل بلوة بلون وشكل
كله واخذ نايبه فيها
لما شبعان منها ركل
حتى اصحاب السعادة
والسيادة والنفوذ
برضه بتدور الحظوظ
والنوايب ف المحن
ياكلوها أكل

الكراسات انطوت

ضرب الجرس
والكراسات انطوت
انتهى اليوم القديم
آخر نفس ف العام
جربوا العيال
موجة زهق
واتبعثروا
فقاقيع زحام

قلبي قمحايا

بين العذاب والحنين
انا قلبي قمحايا
ساكن ما بين صخرتين
من جوة رخايا
تدوس عليه تعصره
يصرخ ويتألم
من غير ما يتكلم
اسير
حبه .. وبلوايا

اليافتجية

مين اللي حط اليافطه دى
مين اللي شرد توب عسسها بدمنا
مين لمنا بالزور
وستف شملنا فوق حجرها
مين حطنا وحطها
مش دى ملامح صدقنا
مش دول وشوشنا الكدابين
اللى أكيد عمل كده
مش مننا

الكلب والعضمه

الكلب سيد العضمه
واللا العضمه سته
مين اللي متاكل
ومين فاضل
ومين محتاج لعوزته
الكلب قال للعضمه
أنا سيدك
وتاج راسك
وهراسك ودايقك
العضمه قالت له
اسمك على أصلك دليل
وسيبك م الكلام
اللى انت بتعجنه
وترجع تلئه

معدش شئ

معدش لحم .. معدش دم
معدش حلم .. معدش علم
معدش حرب .. معدش سلم
معدش صمت .. معدش صوت
ولا عاد حياة ولا عادشى موت
معدش شئ من أى شئ
غير الكلام
غير أمة باعت عرضها
جابت عيالها
ولاد حرام

نبل ريقنا بالحياة

يا لا بينا أنا وأنت نقدر
ع الحياة ونرجّها
تختلط أرواحنا فيها و نلاقيها
يدوب غسلها ف مرها
نبتدي نغير طريقنا
نبل ريقنا بالحياة
قبل ما يسبقنا موتنا
ويباغتنا على دماغتنا
يـدُكُّها

صاحبة العصمة

يا صاحبة العصمة يا ست الكل
انتي ٠٠ يا عاصمة
انتي اللي بتكبرى ٠٠ وبتصغرى
والمانحة والحارمة
انتي اللي بتجنى ٠٠ وبتعفى
ام المزاج الفللى
يا سعد قلبه اللى
ترضى عليه
ويا شوم طالعه
اللى له مكلضة

العساكر

لسة فاكر ..
لما كنا صغيرين
واحنا بنخاف م العساكر
بعد حبة ..كبرنا حبة
فهمونا
أن دول اخوات أبونا
بعدها بشوية أكثر
ابتدى خوفنا الصُغير
تانى يكبر
وابتدينا برضه تانى
خوفنا من نفس
ال ع س ا ك ر

بحر المحرومين

طعّمت قلبي بالحنان
وحدفته بحر المحرومين
وبعد فيمتو ثانية كان
حواليه ملايين ملمومين
الكل راح ع الطعم
قام شد وبلع
مبقتش قادر اشد مين
واطلع بمين

صاحب الملكوت

فوضت أمري إليك
يا صاحب الملكوت
عليل وطالب شفا
ذا القدرة والجبروت
قادر تزيج عني
وتعيني على شدتي
كما عنت يونس نجدته
من جوف ظلام الحوت

ساعة رضا

ساعة رضا واحدة
من عند الكريم تكفى
يرزق كما يشاء
يهدى ويغفر ويعفى
ملك الملوك إن أمر
للشيء يكن فيكون
سبحانه رب الكون
عالم بما يخفى

صاحب السلطان

يا صاحب السلطان
أيا غلبان
ومش دريــــــــــــان
أنت المعايــــــــر وكايــــــــل
كفتيــــــــن بميــــــــزان
إعدل وعدل
حالة المايــــــــل
الكرسيــــــــي زايــــــــل
وباقــــــــي
ربك الديــــــــان

طاقة القدر

طاقة سما للقدر
مفتوحة ف الملكوت
حبة أمانى مبعثرة ف آخر نفس
وصمت مليون بالكلام المستحي
حبات أمل محتاجة ندعة روح
وحبة حبة
الطاقة بدأت تتقفل
الواد برق ٠٠
قفلت على روحه وصعد
جسمه اترمي
فوق الوطن
من تحت
لطمات النعال

آخر محطة

حِثَّة ٠٠ حِثَّة
دنيا بتاكل مننا
حِثَّة ٠٠ حِثَّة
والروح بتتاخر بنا
ف آخر محطة
تفضل حاجات
من غيرنا ملهاش
محتاجات ..
نصبح فتات
ينزل عليه الغيث
فيصبح طين نبات
وروحه وردة
على طرف الجاكّة

اشترى مخك

فوق ياعبيط وانتبه
بطل هبل وجنان
ولّى زمان الطيبين
والشُّهُما والجدعان
كبر دماغك ونقض
واشترى مخك
والبس قناع البشر
وجتة حية او تعبان

نفسى أموت صاحى

كفك على جرحى
والتانى فوق عيني
ورقبتى ف المشنقة
جواك ف شرايينى
معدش شىء فاضل
الا طلوع الروح
والحكم مش عادل
لو مش حفيظ وأبوح
أنا نفسى عارف ايه ؟
نفسى اموت صاحى

ثانياً المقاطع الشعرية القهر والكبت

القهر قال للكبت:
يا منصرف
لو كنت تقدر تبوح
او تنفجر
الكبت قال له:
بس شيل رجلك
من فوق لسانى
قبل ما تنكسر

البيت العتيق

خَمَسَ بَطُون
وَرُبْعَ كِيلُو حَلِيب
وَرَغِيفَ مَنْ
الصَّبْرَ الْجَمِيلَ
وَزَيْتَ قَنَادِيلَ
الْقُلُوبَ الْمُذْهَبَةَ
وَمَلْحَ عَيْشِ أَبِيضَ
كَمَا قَلْبَ الْجَمِيعِ
فَ لَيْلِ غَطِيسَ
وَشَمْعَةَ وَاحِدَةِ مَنْوَرَةٍ
الْبَيْتَ الْعَتِيقَ

قلبي اللي يستاهل

جاية السهام ف الوجع
من كل اتجاه
ترشق ف قلب الأمل
تفنيه م الحياة
أمانة يا اعز الناس
وأغلاهم
توصوا سهامكوا
على قلبي مير حمهوش
عشان هو اللي يستاهل
مصير ما جناه

فكوك الموت

جوايا شئ بيموت
وانا بره وبعاقر
أكسر جدارى وافوت
وادخلنى
مش قادر
زنزانتى يا بوحى
قافلة على جروحي
سامحنى يا روحى
مش قادر انى انجلك
من بين فكوك الموت

لو البكا بيحب

لو البكا بيحب
واللى مضى ينعد
أنا كنت أعيش ف نحب
وف سيل دموع فياض
يا قلبى خد روحك
وخش ف روحى واتخبي
كفاية مناكفة ومناهة
ويكفانا
عديد وعناد

زنازينّا

زنازينّا باديّنا
احنا اللى بانينها
السجّانين احنا
واحنا مساجينها
من روحنا طارحينها
وأدينّا طارحينها
يا هلترى امتى
باديّنا نهدمها؟

غار العذاب

غار العذاب منى
وقال: لا باه
أنا اللي عايش بين
مذلة وشقا
جنبك بحس إن انا
أسعد سعيد
وانت الوحيد الحى
ف المشنقة

سمكة وجمبريايا

سمكايَا رَمَّةٌ^(١) صَغِيرَةٌ
صَرَعتْ جَمْبَرِيَايَا
فَصَلَّتْهَا مِنْ نَحْرِهَا
هَرَسَتْهَا فِ حَشَايَا
وَيَدُوبِهَا هَتْفَر دَمْعَةٌ
سَنَارَتِي غَمَزَتْ وَلَكَّعَتْ
سَمَكَايَا بِتَقْوَالِي إَوْعَى
تَطْلُعُ رَمَّةٌ وَيَايَا

رمة: هو نوع من أنواع السمك حجمه صغير ويشبه السمك القراض الكبير

مُصِرُّ أَحْلَم

ياحلمنا المهضوم
فى بطن القهر واتبخر
لا تياس نهارك جى
مهما الضى يتأخر
وانا برضه مانيش
يائس
مُصِرُّ أَحْلَم
ولو حلمى لا حيقدم
ولا يأخر

عنكبوت ونملة

عنكبوت اصطاد نملة
على خيطه
وشدّها وارْتَفَعَ
وأخذها على بيته
ويدوب حَيْسْتَفَرْد
بيها ويُهْبِرُها
لقى نفسه
هو إنْهَبَرُ
من نفس جنْسِيَّتِهِ

قديم جديد

رحل القديم واُثْبَدَل
نفس المكان
بقديم جديد
ابتدى الدور يتلعب
نفس الخليقة
والطريقة والعبيد
نفس الوشوش بتتخلع
وتتلبس نفس الوشوش
كل اصل وله فروع
من جدود الجد
ولآخر حفيد

كل من قلبه اغتوى

أسأل قابيل الغدر
وكل من قلبه اغتوى
وقول لإبليس الشقى
أيه الذى شقانا سوا؟
أسأل جابرة
كل تواريخ الزمن
الكل حيقلك مفيش
ألا اتباعنا للهوى

يارِ كَلِيْثُه

لو تعرفى يا كَلِيْثُه قَتَلْتى كام؟
لو تعرفى يا كَلِيْثُه .. قَتَلْتى مين؟
بالله عليكى ما تسأليه
ما انتى كمان موئى عليه
بقولك ايه
سيبيه ينام
واحنا حنفضل ع الدوام
نستنى ييجى
اليوم نقابله
علشان
ما نطمئن عليه

الميزان

مفيش حاجة ف مكانها
ومفيش حد ف مكانه
الدنيا صبح ميزانها
قالب مقلوب كيانه
الحق صبح جريمة
والصدق صار جنايه
وولاد بنت اللنيمه
عاقدين للبووح لسانه

العمار و الخراب

بتعمّر ف الخراب يا عبيط
فرحان قوى ومزقطط
طول الأمل أغراك
تحسبها وتخطط
كقنك خلاص اتسج
ومستتيك ومتلف
تبات ف حضنه
الليلاى
يضمك ليه
ويعبط

الأسوار

عليت الأسوار وطولت
فاردة ماردة غولت
وابتدت تبلع سِكننا
وتحاوطنا وسلسلت
كل خطاويننا اللى جاية
زى حية
لقّة وبتعصر علينا
واحنا عاجزين
ننفلت

سوق النخّاسين

مفتوح يا سوق البيع
ف درب النخّاسين
كل السلع متوفرة
للبياعين والمتباعين
افتح مزادك وابتدى
ويا لئلا انتهى
اللى كسب
هو اللى باع
واللى اشترى
الخسرانين

يومين رواقان

يا عم سيبك بقى
م الهم والأحزان
وم العذاب والشقى
والبؤس والحرمان
فتح لقلبك وروحك
كافة الشبايبك
يكفيك اسية وضنا
وعشلك لو
يومين رواقان

مصيرك إيه

بقيت لوحديك يا انسان
مع وحدك
الكل فاتك من حبك
ومن جحك
دور على عمك
وشوف مصيرك ايه
رگك عليه
ده هو اللي
ونيس لحدك

ضد المشروع

تصويت وصراخ وضجيج عاليين
تعدد وصوات .. على مين ولمين؟
لما التماسيح تكسى بحيرات الدم دموع
لما المكاسيح يكسبوا سباقات
ماراثون الجوع
لما الممنوع يبقى المشروع
ضد المشروع
يبقى الموضوع
مطروح مقسوم مجموع
نفس المجموع
يبقى الموضوع
ف ايدين موسى
واحمد ويسوع

المحطات القديمة

المحطات القديمة
واقفة تستنى
اللى مش راجعين
والسكتين المشاه
ازاي حيتقابلوا
وهما رايعين
ف نفس الاتجاه؟

ارمى الجراب

لَسَّاكَ بِتَحْلُم تَانِي بِالسَّرَابِ؟
وَلَسَّةَ مَفْتُوحَةٍ مَسَامِكَ لِلْهَوَا الْكَدَابِ
مَا بَيْنَ مَسَاحَاتِ الشَّجَنِ
وَبَيْنَ مَسَافَاتِ الْعَذَابِ؟
لِمَكَ بَقِيَ مِ الذِّكْرِيَّاتِ
وَالْفِظْ مِنْ الرُّوحِ الْحَنِينِ
إِجْهَضْ جَنِينَ الْحَلْمِ
جَوْهَةَ رَجَمِ الْأَمْنِيَّاتِ
نَقْضِ جِرَابِكَ مِ اللَّيْلِ فَاتِ
وَارْمِ الْجِرَابِ
قَقْلِ شَبَابِيكَ الْهَوَا
سَدِ الْمَسَامِ وَسُنْكَرِ
كَافَةِ الْأَبْوَابِ

توأم روح

الشعر قال للكلام:
نفسى قوى تحسنى
أنا وانت توأم روح
عاشقك وبتحبني
قال الكلام للحروف:
يا ريت تحسنى الشعر
قالت له: قول للمشاعر
تعصرنى وتهزنى

اللى ف البتارين

إحنا.. ولا اللى
ف البتارين؟
مين اللى أغلى؟
واللى أرخص مين؟
إرمى بياضك وشوش
تاجر الأصناف
وانت حتعرف يا صاحبى
هأفين.. واحنا فين

الإنكسار

على باب حدود الإنكسار
يتجدد الحزن القديم
بلون جديد
بيخالف الحزن القديم
ويناسب العام الجديد

هَيَّ دِي الْحَيَاة

أصبحنا خلاص فرأيد
كُلِّين على هواه
أَتَفَصِّصْنَا وَحَايِد
ف عكس الاتجاه
متستغريشي يا للى
لِسَّاكَ ساكن ف غيرك
ما هُما دول البشر
وهي دِي الْحَيَاة

روحى حتطلع

ارفع رُكابيكَ عن رقبتي
روحى حتطلع .. حنخنق
يكفاك بقى .. دهرين شقى
ليه بتتسعد؟
وانا كل لحظة من عذابك بنشئق
اعلنت توبتي من ذنوب
معملتهاش
فخلاص بلاش
تعدم برئ .. مُذنب
عشان
رافض لدينك
يعتنق

مش لاقى حاجة تحبها

الدنيا ليه بقت كده
قاسية وجافة؟
مش لاقى حاجة ف
حضنها ترتاح وتصفى
ولا لاقى حاجة تحبها
وتكون دليل
يا مين يحس ببلوتى
ويشوفلى وصفة

انسحبى ف سلام

أسوار كثير وشبردقات
بَعْدَت ما بينى وبينك
كل السنين مسافات
ميكفكيش ف السور لوحده
ميت سنة
ميكفكيش م العمر
ولا ألوفات
فارفعى راية الندامة
وانسحبى ف سلام
ورا الكلام والصمت
والجأى واللى فات

طرح الحزن

انا مش حزين انما
انا نبت طرح الحزن
فروعى سابع سما
جذورى سابع حصى
انا بذرة من زهرتى
تحجب سطوع الشمس
وتخلى ضى القمر
مزوى ف اضلم ركن

الروح العريانة

يا هـ .. ع الروح العريانة
وسط عيون الناس الغرب
على قلب اتدغدغ
وسط قلوب الناس الصلب
على كتف معادشي
لما يحن لكف حبيبه
يطبطب فوقه بقلب لايد
على ليل الوحدة
وسط حيطان الغربية السد
على عمر معدش الناتج منه
يقبل حسبة وقسمة وعد

لجل خُلدك

رافض تاخذنى
دوامات المِحنِ
واغرق فى ليلك
وانشطب م الزمن
ان لم أكونك
لجل خُلدك تمن
يحرم تكونى الوطن
ليه وتأوينى

طوق النجاة

شَدَّ الحِزَامَ
على انتفاض قلبه
قَرَّطَ عليه
لَمْ انشطاره من آخرمداه
هو انتفاضه
من حياة الموت
ولاً من موت الحياة؟
المعجزة ف المستحيل
فاضل قليل
جَزَّ الفتيل
وحَدَفَ إنا
طوق النجاة

فوق الحجب

مَلَّيتُ حَبِيسَ يَا نَاسَ
بَيْنَ السَّمَاءِ وَالْأَرْضِ
مَا بَيْنَ خُطُوطِ الطُّولِ
وَبَيْنَ خُطُوطِ الْعَرْضِ
أَمَتَى أَطِيرُ وَأَنْطَلِقُ
فَوْقَ الْحَجَبِ وَالْحَدِّ؟
بَسَّالْ
وَإِذَا كَانَ السُّؤَالُ سُنَّةً
يَبْقَى أَكِيدُ رَدَّ بِإِجَابَةٍ
فَرَضْ

الفرح والحزن

الفرح جى بعد الحزن يعمل ايه؟
معايشى فاضلله
فيما مكان يعيش فيه
يا فرح روح ياللا
وشوف ناسك
وخذ كاسك وشربهم
وسيب الحزن
منا ليه

رخص التمن

متنزعجشى قوى
يا رقيق قوى وحسيس
حقك عليك تتجرح
ف القلب والأحاسيس
الغالى كان ف السوق
فئه ومشتريتوش
أغراك رخص التمن
باعك بسعر رخص

جمعيات الدم

واقفين طوابير..
على جمعيات الدم
نبتاع اللحم النازز قوت
أموات حيين .. لابسين بتارين
علشان .. مبنقدرش نعيش
ومبنعرفش نموت
جربنا كثير
نفحت على بكرة لتحت
منفعش الفحت .. فحتنا لفوق
تقوليش بصحيح
لو سحبوا منى رخصة عمرى
ممكن استبدلها بتصریح؟

طهرينى

طبّطيلى فوق كتافى
ياما شالوا حمل عنك
جففيلى دمع نازف
شقّ خدى قسوة منك
طهرينى من ذنوبك
لحمى عارى
اكسينى توبك
عمرى شاب
وانتى يدوبك
كل يوم
بيقل سنك

ابن آدم

آه يا بن آدم ياللى
كلك طمع
تعيش تموت ف
الاستيلا والجشع
ما تبص شوف غيرك
جراله ايه
مامتش م الجوع
بس مات م الشبع

معدية

الدنيا رايحة يا صاحبي
ومش جاية
لا دايمة ليك ولا حتدوم
كمان لية
بابين تخش
تعدى م التانى
الكل فانى
والدنيا معدية

سرّك ودنك

ايه يعنى لما تكلم نفسك
فى التغيب
ف زحام الرأى العام
ايه يعنى طريق طفحان
بالناس
ولا واحد منهم يبقى
حبيب
صدقنى يا صاحبى
سرّك لما تقوله لودنك
أحسن ما تقوله
لحد غريب

كف النصيب

لما التقيت الموت تُرَفِّأُ
والعار على وجه
الوشوش العارية
أصبح شرف
لما التقيت
خُونَتَا الجبان
هو الزعيم فوق الفرس
قَطَعْتَ إيد كف النصيب
ورمتها لكِلاب الحرس

قطر سكة حديد

أنا قطر سكة حديد
لكن مليش قضبان
وما نيش بنساق بايد
وسريئة وهيلمان
أنا قطر ملوش تذاكر
ولا له محطات وقوف
مبخفش من العساكر
ويدوس وأنا كلى شوف
لكن مبدوسى غير
على قلب
مش انسان

إلتماس

يا سيادة المحافظ:
أخويا صلاح مات
انا عارف انك متعرفوش
ما هو انت ياما بتشوف وشوش
فمتحرموش
القاتحة على روحه
بصوت خفيض
وبلاش تأشير له
بارض الكشك
وخلى تأشيرتك
على الروض الجديد
بحثة أرض
متر x متر

المعجزة والمستحيل

خَزَّاتِ عَيْنِ الْمُسْتَحِيلِ
عُلْشَانِ عَيُونِ الْمَعْجِزَةِ
وَالْأَجْهَظَةِ .. رَصْدَتْنِي
بِاجْتِازِ الْحُدُودِ الْفَاصِلَةِ
الْأُولَى .. تَحْذِيرِ بَكَارَتِ
أَصْفَرِ خَفِيفِ
وَالثَّانِيَةِ .. إِنْذَارِ بَكَارَتِ
أَحْمَرِ مَخِيفِ
وَالثَّالِثَةِ .. فُقْتُ أَنْيْ نَمْتُ
بِجَوْفِ جَعَانِ
وَاتَارِينِي
بِحُلْمِ بِالرَّغِيفِ

اللى عليه الدور

فرّاريج بالكوم
جوة التفقيصة
ف غاية الذعر
والرعب استحوذ ع القضيان
الساكن جوة وبرة الروح
وايدىن تتمد
تمسك ف المفازيع
ف اللى عليه الدور
الليلة يبات
م د ب وح

مسكن العفارييت

خليك مضلم كده
ساكنك مُرود الجن والعفارييت
شادد ستاير ياسك السودة
سادد ببيان الضى بالوطاويط
ومتفتكرش اننا حنسيبك
تعيش لوحك تموت
ده احنا يا اعز العزاز
خُيْطْنَا لِيكَ الْكَفَن
ومجهزين اللحد
والتواييت

الـخوف

الـخوف جبان
بيخاف من اللى
ميخافوش .. وبيترعب منه
اللى خايفين من طلعة العفاريـت
الـخوف لقيط .. من انصهار
دمع انكسار البوح
ف النفس الأخير
ف خرسة العين
اللى بتصرخ بألف لسان
الـخوف كما الجنة فى جنة الانسان
لابد له من محرقة ليُخرجه
كما تخرج الجنة
بصواعق القرآن

أعمى صدايا

مطلوق لسانى.. لكين
صوت الكلام أخرس
بصرخ ألم وأنين
لا وصل ولا يخلص
طول ما انت يا حلمنا
زايف
شاردة الأمانى والأمل
خايف
يا طب يا طبيا
بصير.. لكن
أعمى صدايا
قلبه مش شايف

يا هلترى

جايبين نزورك .. بعد شوق
وقلوبنا مليانة حنين
أشتقتنا يا ما.. ولسة ياما
حنعيش مشتاقين
ما حناش أكيد
حنعيش ضيوف
دايما نزورك
يا هلترى مين مننا
حيصيبه دورك؟
ويزوره مين؟

شبابيك السلك

شبابيك السلك
اللى بتفتّح عينيها
للصواب .. ضيقة
والمسجونين ف الحلم
لسه مطولين
ف الشرقة
تطوح الدنيا تمايلهم
وتساومهم .. ع الثبات
تتلخبط الأفكار فى بعض
وبعد .. بعد
يتدلّل الحلم اللى طال
برة عين المشنقة

هربانة من روحها

ليه الوشوش

هربانة

من روحها

شاردة العيون

باهتة ملامحها؟

ليه الحمل فوق الحلم

متأقل؟

والبهجة ليه

مسلوبة مطرحها ؟

الغفلة والمحنة

الدنيا زاهدة فينا
ولا احنا؟
أصبحنا طوع
الغفلة والمحنة
كبحوا جماحنا
قبل ما نبوحها
رَهْوانْ بنرمح
بس مطرحنا

يا ولاد الحلال

حدّش شاف العيد؟
كان لسه من ثلاثين
سنة امبارح .. هنا
لايس جديد
حدّش شاف العيد؟
أبو وش صبوح
وعيال قناديل
بلالين وشموع
وبلاد مبتعرفش الحزن
ولا بتدوق الجوع
بلاد مفيهاش .. أسياد وعبيد
حدّش شاف العيد؟
ولا شافنى معاه؟

وانا مستتية
تايه منه وتايه فيه
ومازلت بعيش
مع نفس سؤالي
وأكرر فيه وأعيد
حدش شافني
انا والعيد؟
حدش شافني
انا والعيد؟

المنى جناحين

الحلم واحد
والمنى جناحين
عصافير تزقزق
بالغنا نشيدين
لايدين بتبنى
ببعضها صروحها
ونهار مشقشق
ضيه ملو العين

مات واندفن

قلب المشاعر
والعواطف والحنان
فات السكن
حتصحي مين
تحت التراب لحد وكفن؟
وفري دموعك وتعديك
ونوحك ع اللي فات
اللي مات ازاي حيرجع
بعد ما ف قبره اندفن

جبس و خشب

ماتت الأحاسيس وصبحت
قلب جبس وروح خشب
خلفت الحسابات وعكست
كل احساس انحسب
يا مشاعرنا الرخيصة
لمى ياللا كل كذبك
كوميه
من حريق قلبك قيديه
وارمى غلك فيه حطب

أنت المفضلضله

طيطب على جرحى
تطيب روحى
لململى نوحى
بدله بدوحى
بلم جروحى
اللى مجروحها
مفضلض له
لما فاض
بوحى

احنّ عيني

أمانة عليك
يا قطر يا معدى
يَمّ الحبايب
حطّ أو هدّى
روحي تسلم
واحضن الذكرى
واحنّ عيني
بلمحهم وامضى

الشهيد: إبراهيم سليمان

يشهد لك السور اللى كان
بيمد ايده ويرفعك
بعد ان ما خلصت اندفاع
طلق الأمل من مدفعك
يشهد بأنه مد ايده
لجل ما يسلم عليك
وماكنش يعرف انه كان
بيمد ايده يودعك

ف الملجأين

أسفلت روحنا اتعجن
ومازلنا بنفرففت
الحلم فينا انسجن
والفجر متشعبط
عاشين يتامى الوطن
وهوية الأنساب
جوة وبرة الوطن.. ف الملجأين أغراب
يا ضهر قلبي اللي انحنى بدرى
يا كسرتك يا روح بلا عكاز
يا حلمى يا عصفور ومتبروز
انا زيك .. منايا اقفر من البرواز

أنت أيه؟

هو أنت أيه؟
أنت اللي ف الزمن الغلط
ولا أنت مخلوق م الغلط
ولا الغلط
مخلوق من الصح الغلط
اللي أنت
ما نتش صح فيه؟
قوللي أنت أيه؟

جلدی مش ستار

یا جلدی مش ستار
علی لحمی خلاص
أنا حاخلعك
حد الغلیل.. مسنون وبیه
عن روحی انا
راح یفصلك ویطلقك
ولو ف یوم فکرت
تتمدد علی الروح
من جدید .. أعلم اکید
أنك ساعتها.. ویا روحی
من جذوری
حانز عك

مليش ف السياسة

مياكلش مخى
أونطة سياسى
مليش ف السياسة
ولا دبلوماسى
أنا حر جداً
فى رأى المخالف
ومعرفش أوالث
ومعرفش احالف
وقلبى ف لسانى
وعقلى ف راسى

بنربى العيال

بعد ما اختارنا المحال
طيشنا عيشنا جمال
الزمن بيربى فينا
واحنا بنربى العيال

میت وحی

میت وحی ...
لنتین سوا عایشین
مفیهمش ذرة ای زی
والاسم بنی آدمین
واحد ف دارها
والتانی ف آخرها
دی زی غیرها
لنتین میتین

أديني روجي

عصافيرك اللى طلقته ف قلبى مبتزقزقش
فأديني روجي وخذ عصافيرك
انا لما كنت بسلم روجي بأيديه
مكنش النيه تعذيبى
فخذ أيدى وطلعنى معاك منك
انا حريتى ف سجنك
انا عارفة
لكن مش شايقة من قلبى
اللى فوق عينى
وبينى وبينى موت صاحى
مفتت كل تكوينى
انا أشلاء بتتحرك حوالينى
بتصرخ فيه تنفضنى

لمين رمياني .. لميني
الملم فيها تتبعتر
وتتفتت وتتطور
انا مش قادرة اتحرر من التفتيت
حاخد روى وأرشرشها
على الأشلاء
لعللى ف يوم أعود تانى
ينبت فيه جذر جديد
ويعللى لفوقى ويعدى
ويوهب قلبى عش أخير
يكمل بيّه مشواره
وزقزقته .. مع العصافير

تستاهل الأحران

رجعت تانى تمسك الكرباج
تجلد ف طين الروح
ذنوب المعصية
مشبوح على جذع الألم
بين العصاه والأوليه
دمك ده ولا دمعتك؟
عس بايديك
لو كنت تملك مقدرة
مسحه عنيك
تستاهل الأحران
صرخ كمان
مش ح امنعك
مين بلعك طعم الشيطان ؟

مين حولك اشباه بشر
مين خرجك من جنتك
خد جنتك وابعد بعيد
عن كل عباد العبيد
افحت بابك مسكنك
وانزل وهيل فوقك تراب المغفرة
ارتد تاني لأولك
يمكن ساعتها تفتكر
ان اللسان اللي نصح
كل البشر بالأمثال
مقدرتش انت تتعظ
منه وتملك قدرتك
ع الاختيار

شبابيك الضلمة

الى أحد ضحايا الوطن والفقر (الغيرانق
أجتماعيا)الدبلوماسى الفذ/عبد الحميد شتا

.....
الساعة يدوب بالظبط
وانا والصمت
والنيل والكوبرى والاسفلت
النيل تعبنا وبيثاوب
الهوا زهقان م الدخان
وعفار الشارع
السما بتحن وبتندع من عنقودها
وعمود النور يفرك ف عينيه
والليل طالع
بيوت العز بتتلحق لعيون الفقرا

السور اللى ما بين الناس والناس
صامت وخجول
البرج العاجى المتعالى
النور الهربان من شبابيكه الضلمة
مش عارف يجرى يروح على فين
وانا لسة بمد ف خطاوية
اخذ بايديه
كعبلى الحلم وقومنى
على دمع عينيه
كان حلم جميل
مش عارف يبدأ ليه منين
مليانة عينيه بكلام فاض لى
واتارى الوجع اللى ف قلبه
من نفس الداء
تمتم بكلام مفهمتشى
فات حضنى وأخذ الحزن معاه
ولقيت خطاويه واخداه لوراه
وعنيه ف عينيه بتتأمل
بتقوللى كان نفسى نكمل

ولحدا لما لمس السور كعبه
طأع من جوه الروح قلبه
وحذفهولى .. قاللى بوصيك
تفتح قلبى على باب روحى
لما تضلم كل الشبابيك
ميشوفش السر الا حبايبي
عرلهم ورلهم قلبى يمكن ارتاح
وف لحظة لقيته وقف ع السور
حاضن حزنه
والنيل كان ناصب عينه عليه
وفاتح حضنه
من خوفى صرخت
قام طبطب من على كتفى الصمت
ولفتنى لوحدى
انا والنيل والليل
والكوبرى والاسفلت

طيش العصافير

العصفور اللي عشته فوق سقفك
مكنش قصده يسكنه فيكي
فتحت عنكي الجنة لعيونه
فابتدى يحبى على شركك
سليم ظروف حريته لايدك
كان ماتمه

أول حلول عيدك
الحب لما لقاه على كفك
كان فاكهه طرح محبتك
او من نبات عطفك
خد روجه من عشها
وحط فوق راحتك
ضم الجناح فوقك
وحواكى وفتحلك

قلبه البرىء مملكه
ليكى سكن وحدك
وف غمرة الانتشا
وف عز تعيشه
قبضت كفوفك عليه
ودغدغت طيشه
كسرت جناحه الحنين
ونطورت ريشه

مفعول به

وابتدت لحظة غيابك ف الحضور
وابتدت تواريخ حضورك ف الغياب
وابتدى الباب يتورب
وابتدت جملة حياتك تتعرب
مفعول به
كان فاعلن ف المبتدأ
اصبح خبر
مرفوع لأول آخره
ممدود على كف القدر
لما القضا بالسرباح
سلم حدودك للسفر
سلم قلو عك للرياح
قوللى انت مين؟
انت القتيل.. ولا السلاح؟

مقسوم ما بين الضفتين
بين الثقى والاشتفاء
ولحد فين حتكون كده؟
مئك عالجرح
اللى مش عايز ينز
الا الالم
بين الحياه وبين العدم
شباب
ومش قادر تطول
الا انهزامك
ف الحضور
او ف الغياب

قلبي الضرير

أنا قدت شمعة روحى
وداريتها بحنينى
ودخلت ننى قلبك العتمة
عشمتى أبيد شبح السواد
واقدر اهزم الضلمة
لكن رياح الجحود
والظلم والبهتان
كانت اقوى من نور شمعتى
وظفتلى روحى ومُنيتى
ورجعت قلبي ضرير
مكسور الجناح
والعزم والهمة

حلمي العليل

ارحمي عودي النحيل
اللى مش قادر يعافر
طيبى حلمى العليل
اللى منحوت الضوافر
قاربى تاه وانتى سبيلى
انتى عطشى وسلسبيلى
رافضة ف الشدة تجيلى
بتقوليلى
غصب عنك

أيه فاضل؟

وهان على الروح
تنقسم فينا
ما بين دمعى اللى متخبي
ودمعك اللى فوق خدى
أنا واقف ومش عارف
أروح على فين
حاجات وقعت كتير منى
وانا بنزف
انا معرفش ايه فاضل
وكان منى

هوى مسموم

كذاب يا دمي.. انما
ياطهرى صادق
مين اللى فيكو بينتهى
ومين اللى بادئ؟
كدابة يا كل المبادئ
ألا أنا
أنا اللى مفتون بالتعب
أنا اللى معصور رعشتى
أنا وقيد النار وأعواد الحطب
أنا السبب
معرفتش أكون معدية
معرفتش أكون هوى مسموم
ونسمة غدر وردية

الطمع طينه

خذ ابن آدم
فالتراب عينه
من طينته هو
والطمع طينه
أخذ ابن آدم
كل شئ ما كفاه
دخل التراب
قام ملا عينه

حبة ورق

حبة ورق متكرمشين
ف المهملات
بيوشوشوا بعضهم
لكنهم متخيلين ان صوتهم
أعلى من صوت الفرع
زبال وبال فوق منهم
قام بلهم.. الحبر ساح
فوق جسمهم
باش وشهم
العار نضح
فوق الملامح والسحم

باب الحنين

باب الحنين أهاليه
فاتوه وحيد مهجور
لا صديق يخبط عليه
ولا خلّ ليه بيزور
نقرة ايدين هزته
من فرحته اترقص
ويدوب فتح سكّته
طلع بتاع النور

المواطن ايه؟

سبع تلاف سنة
مهزوم أنا بنصرى
سبع تلاف سنة
يحنى الهرم ضهرى
مستغربين منى
سألوا كتير عنى
قالوا المواطن ايه؟
قلت الوطن مصرى

خليك ف الظل

خليك ف الظل
مبقاش ف ملامحك
شئ ينشاف
مبقتش بتملك شئ ينعاز
مبقتش ملاذ
وبقيت مجموع حبة أشلاء
من غير ولا شئ
أصبحت وباء
ممنوع من لمسك للأشياء
فاخترلك شئ
من بين ولا شئ

الحكم خلاص
أصبح محتوم
أحفر بأيديك
قبل ما يحفر لك حد مكان
تتكوم فيه
وتروح ف النوم
على قد ماتقدر
روح .. متجيش

محيط المستحيل

حاسك.. مانتش قادر تفكر
ما انتش قادر تقرر
تفتكر ممكن؟ تفتكر تقدر؟
المستحيل بيبدأ
أصغر من الأصغر
روحك بتنزف
وانت لسة منجرحتش
دمك مهواش دم واحد
فارد حدود قلبك محيط المستحيل
الجرح فيك
وألمك من وجع غيرك
حدد مصيرك
قبل ما تموت مطرحك

البوقات الشفتشى

اطفوا الرداوى والشاشات
وكل انواع البوقات الشفتشى
لموا الجرايد والمجلات والكتب
ويا أحلام الغلاية
المستحبة بالاشى
اصله خلاص يا عمنا
عبوا نهارنا ودمنا
فى كبايات
وخبطوا ف بعض الكاسات
فى نخبنا
ولا حد فيهم مختشى

صمت الاحتجاج

كان اليمام ع الغصن
وف عز ابتهاجه
حالم مسالم ف الحياة
راضى بمنابه
وفجأة طبّ النسر
خد خله الوليف
أصبح ضعيف
مهزوم.. مسجون
ف صمت احتجاجه

اللحم بالكموم

اللحم العريان بالكموم
على النواصي والسيكك
وع الشاشات
يا بياعين
مطلوق ف روحنا ودمنا
ينهش حياغنا وطهرنا
وفضلة العفة في قلوبنا الخزين
يا سماسرة الغرى افرحوا
بلادنا صبحت مفخرة ف المسخرة
والهز والمز وأمور الفهلوة والمعلمة
والعولمة اخدنا فيها المركز الأول
على كل العوالم الموزز والرقاصين

ورق .. ورق

ورق ببدا عمرنا نثبتنا فيه
ورق بياخذ عمرنا يوصل بنا
ويقولنا هويتنا ايه
ورق يبيني عشنا ويلمنا
ويفصلنا بيه
حتى نهاية امرنا
لازم تكون فوق الورق
فى شهادة بتقول الورق
شاهد على الميت عليه

شط القنال

كانوا عساكرنا زمان
واقفين على شط القنال
يحمونا م العدوان
يدافعوا عن عرض الوطن
ويحرسوا لنا الأمان
دلوقتى آه ويا لا العجب
الوضع على راسه انقلب
واقفين جنودنا يحرسوا
أمن اليهود والأمريكان

سجن اللوم

حتفضل ف القفص دايماً
فى سجن اللوم
وتفضل دايماً الجانى وابدأ
مبتلى متهم
لكن برضك
دوام الحال
مُحال يفضل على حاله
وبكرة الظالم الجانى
يجيله يوم

محدث سعيد

محدث سعيد ليه مننا
وكاننا محدث سعيد
هربت وشوشنا ف حزننا
وفاتتنا جوة وشوش جليد
تايهين ما بين كوابيسنا
والحلم اللي فوق المستحيل
من غير دليل يعبر بنا
من بعد ما يفجر لنا
سجن التعاسة والملل
وينسف السور الحديد

لو تسمع

لم اللى باقى مِنى فيك
وهات هولى
أنا مش حعيش العمر
متغرب معاك منى
معادش العذر يسمحلى
فلو تسمع
خلاص يكفيننا ما فينا
فخد حبك
وهات قلبى

بحر العشق

غرقنى جوة عنيك
دوبنى ف دموعك
اغسلنى من ضعفى اللى فيك
طلعنى بايديك .. سگنى فى قلبك
نيمنى ف مشاعرك
غطينى بحنائك
وسك باب روحك
على عمرى اللى جاى
وارمى مفتاحه
فى بحر العشق
اللى ملوش قرار

فوق الكون

علب كرتون
براويز بقزاز مكسور
كذا سور مهزوز
تجاويف لقلوب
خشب على باغ
وصحون مليانة فراغ
رجلين محطوطة مكانها دماغ
صدّق لو اقولك
انا شايف كل الكون
من فوق الكون
لعبات أطفال
العشرة بساغ

حزن العيد

الناس بتعيّد ف الحزن
والحزن بيعمل نفسه سعيد
وبياخد كل الناس بالحضن
والقلب مولع نار بتقيد
على حلم ف كل دقيقة
يموت ويعيش
وحمام مصلوب
على طرف هلال العيد

مدفع قديم

مدفع قديم
ف ميدان رماية للذخيرة الميتة
شارد حزين
يتأمل الأحوال ف أمة مفتتة
يتذكر الماضي زمان
أيام ما كان شايل ف قلبه
طلقته الحية
وفارس ف الميدان
فجأة سمع صوت انفجار
جت شاطية منه ف عزته
نخ وبكى ينزف ألم
لما التقى..كل المدافع صامتة

أصدق ما فينا

إهداء إلى / سروق بجّاح
(والصدق يفهم)

أوقات كثير
نغصب على روحنا
نصدق وهمنا
ولأننا بعقول ورق
بنسوق ف لعبة ضحكنا
على نفسنا
وبعد ما يضيع عمرنا بنكتشف
ان الحقيقة غير كدة
وفيه حقيقة مؤكدة .. بتقولنا
أصدق ما فينا كدبنا

نفس الخريطة

نفس السرير الذل
والعار الغطا
نفس الوشوش الشخبطة
نفس الكلام.. نفس الآلام
نفس البكا
نفس الحياة ف الموت
نفس السقوط والسفسطة
كل الخريطة المحبطة
مستسلمة .. ومسلّمة
الدم بهتان
ف العلم

بغرق

انا بغرق
لكن مش قادرة
احوش نفسى عن المية
عطشانة انا
ونفسى اموت
وانا شاربة ومروية
وايه معنى اعيش
وانا روحى بور جافة
انا عارفة
بيانه الاختيار الصعب
وان لكل شى دية

الحصار

الحصار محكوم عليك من أولك
لآخر نقطة من دمك
أعلن عليك الكون
التمرد وعصيانك
وتسليمك لهمك
كل التهم لابسك
يدوب بالظبط
تفصيلها على قدك ولمقاسك
ومن ساسك الى راسك
لابد يا حلو تلم الدور
وت س ل م

الكارثة

شايك الكارثة اللي جايه
مداريه.. بتبص بعينها
من ورا ضهر الزمن
لون عينها ليه كده أسود غطيس؟
قلبها ليه مش حنين؟
كل شئ ليه عندها سهل ورخيص
بتدوس عليه وبتهرسه ماتخلي فيه؟
حنعمل ايه؟
يا صبرنا قوم وانتفض
الوقت مبقاش يحتمل
أنك تضيع عمرنا
ونروح فطيس

هې دى مصر

لسه برضه زى ما انتى؟
لسه ف الاتوبيس مازلتى
بيهر سوکى؟
لسه اخوکى بيطلطش
منه المرتب؟
الا قوليلى بصحيح
هواخوکى مرتبه
دلوقتى کام؟
آه ع الزحام واللى فيه
الحقى أمك
دى عمالة تصرخ
الحقى باين أبوکى
أغمى عليه
الأشارة قافلة ليه؟

عيل صَغِير اندهس
تحت العجل
بيقولوا ده اللى
دهسه بيه
وايه وايه.. وايه وايه
زى ما انتى يا مصر برضك
لسة برضك زى ما انتى
وان ماكنتيش زى ما انتى
تبقى ما انتيش
انتى مصر

ظهر الصورة

الى من دافعت عن الحق وعنهم ظنا منى أنهم
يستحقوا فتحالفوا مع الباطل ولم يدافعوا عنى
ليثبتوا اننى وهبتهم مالا يستحقوا

الناس ف الصورة
وشوش بنور
وعيون يثشع
أمان وسرور
وف ظهر الصورة
دود نثار
فى ضميرهم طافح
عهر وزور

زَرْعُ الْعَسَاكِرِ

جَلَا يَا جَلَا ..
جَلَا يَا جَلَا ..
زَرَعُوا الْعَسَاكِرَ
فَ الشُّوَارِعَ يَاوَلَا
أَلْحَقْ وَخَدْلِكَ حَتَّى لَوْ
شَبِرَ فِ قَيْرَاطٍ
يُمْكِنُ تَيَّاتٍ
تَصْنَبِحَ تَكُونُ
سُلْطَانُ عَلَى
كُلِّ الْمَلَا

البت حكومة

خافين من آيه؟
خافين على مين؟
البت حكومة
مثيره صحيح
لكن رُعايها
مُخصيين

مَحْدُودِي الدَّخْلِ

إحنا مَحْدُودِي الدَّخْلِ
لا بيوت ولا طين ولا نخل
بنعافر ف الأيام ونكذ
وارثين الفقر أبا عن جذ
وان جانا طوفان
أحنا القربان
يهرىوا أسيانا
واحنا نسيذ

آه يا وطن

آه يا وطن
فين نخوتك؟
أنفض غبار الموت
وقوم من رقدتك
شُقْ الوريد
اروى أنتفاضك وانتصاب
من صلابة دمنا
وإبدأ ميلادك من جديد

الفهرس

أولاً : القصائد

من غير مدد / ٥	قلبي قمحايا / ٢٠
الحبال الدايبة / ٦	اليافتجية / ٢١
ناس كتبير / ٧	الكلب والعصبة / ٢٢
طرح الرماد / ٨	معدش شئ / ٢٣
مركب ورق / ٩	نبيل ريقنا بالحياة / ٢٤
الحقيقة والوهم / ١٠	صاحبة العصبة / ٢٥
القلق والنوم / ١١	العساكر / ٢٦
عمر بحاله / ١٢	بحر المحرومين / ٢٧
مفيش جديد / ١٣	صاحب الملكوت / ٢٨
نفس الانتظار / ١٤	ساعة رضا / ٢٩
بدر التمام / ١٥	صاحب السلطان / ٣٠
لا شئ / ١٦	طاقة القدر / ٣١
ابن المستحيل / ١٧	آخر محطة / ٣٢
دنيا مليانة / ١٨	اشترى مخك / ٣٣
الكراسات انطوت / ١٩	نفسى أموت صاحي / ٣٤

ثانيا : المقاطع الشعرية

٥٤/ ضد المشروع	٣٥/ القهر والكبت
٥٥/ المحطات القديمة	٣٦/ البيت العتيق
٥٦/ أرمي الجراب	٣٧/ قلبى اللى يستاهل
٥٧/ توأم روح	٣٨/ فكوت الموت
٥٨/ اللى ف البتارين	٣٩/ لو البكا بيجيب
٥٩/ الإنكسار	٤٠/ زنازيتا
٦٠/ هى دي الحياة	٤١/ غار العذاب
٦١/ روجي حتطلع	٤٢/ سمكة وجمبرايا
٦٢/ مش لاقى حاجه تحبها	٤٣/ مصر أحلم
٦٣/ انسحبي ف سلام	٤٤/ عنكبوت ونملة
٦٤/ طرح الحزن	٤٥/ قديم جديد
٦٥/ الروح العريانة	٤٦/ كل من قلبه اغتوي
٦٦/ لجل خُلك	٤٧/ يا كليته
٦٧/ طوق النجاة	٤٨/ الميزان
٦٨/ فوق الحجب	٤٩/ العمار والخراب
٦٩/ الفرح والحزن	٥٠/ الأسوار
٧٠/ رخيص التمن	٥١/ سوف النحاسين
٧١/ جميعيات الدم	٥٢/ يومين رواقان
٧٢/ طهريني	٥٣/ مصيرك إين

أحنى عيني / ٩٤	ابن آدم / ٧٣
الشهيد إبراهيم سليمان / ٩٥	معدية / ٧٤
ف اللجأين / ٩٦	سرك وذك / ٧٥
انتة أيه؟ / ٩٧	كف النصيب / ٧٦
جلدي مش ستار / ٩٨	قطر سكة حديد / ٧٧
مليش ف السياسة / ٩٩	إلتماس / ٧٨
بنربي العيال / ١٠٠	المعجزة والمستحيل / ٧٩
ميت وحي / ١٠١	اللى عليه الدور / ٨٠
أديني روعي / ١٠٢	مسكن العقاريت / ٨١
تستاهل الأحزان / ١٠٤	الخوف / ٨٢
شبابيك الضلعة / ١٠٦	أعمي صدايا / ٨٣
طيش العصافير / ١٠٩	يا هلترى / ٨٤
منعول به / ١١١	شبابيك السلك / ٨٥
قلبي الضرير / ١١٣	هربانه من روحها / ٨٦
حلمي العليل / ١١٤	الفغلة والمحنة / ٨٧
أيه فاضل؟ / ١١٥	يا ولاد الحلال / ٨٨
هوي مسموم / ١١٦	المنى جناحين / ٩٠
الطمع طينه / ١١٧	مات واندفن / ٩١
حبة ورق / ١١٨	جيس وخشب / ٩٢
باب الحنين / ١١٩	أنت المففضله / ٩٣

المواطن إيه ١٢٠/٩	حزن العيد / ١٣٤
خليك ف الظل / ١٢١	مدفع قديم / ١٣٥
محيط المستحيل / ١٢٣	أصدق ما فينا / ١٣٦
البوقات الشفتشي / ١٢٤	نفس الخريطة / ١٣٧
صبت الاحتجاج / ١٢٥	بفرق / ١٣٨
اللحم بالكوم / ١٢٦	الحصار / ١٣٩
ورق .. ورق / ١٢٧	الكارثة / ١٤٠
شط القتال / ١٢٨	هي دي مصر / ١٤١
سجن اللوم / ١٢٩	ضهر الصورة / ١٤٣
محدث سعيد / ١٣٠	زرع العساكر / ١٤٤
لو تسمح / ١٣١	البت حكومة / ١٤٥
بحر العشق / ١٣٢	محدودي الدخل / ١٤٦
فوق الكون / ١٣٣	آه يا وطن / ١٤٧

السيرة الذاتية للشاعر

- عضو اتحاد كتاب مصر
- محاضر مركزى بالقوافل الثقافية
- شاعر معتمد بإتحاد الأذاعة والتليفزيون المصرى المركزى بالقاهرة
- عضو بالأمانة العامة لأدباء مصر
- قام بتأليف النشيد الرسمى للجيش الثالث الميدانى
- حاصل على دورة (النقد والتذوق الأدبى) بمركز إعداد القادة
- حاصل على دورة (فن الدراما الأذاعية) والتي أقيمت بالتعاون بين اتحاد كتاب مصر والإذاعة المصرية
- تم تكريمه فى المؤتمر الحادى عشر لإدباء مصر فى الأقاليم من خلال محافظة السويس كأحد الأدباء المتميزين بالأقليم والعاصمة
- تم تكريمه من الهيئة العامة لقصور الثقافة بأحتفالات أكتوبر ٢٠٠٠ وكذلك من تلفزيون القناة الرابعة
- له مساهمات أدبية فى الكتابة للطفل فقد أجاز له بالنشر الأقليمى ديوان الأطفال بالعامية المصرية (كلام عيال) وله تحت الطبع ديوان أطفال (طفل من الحرب) كما قام بكتابة مسرحيات خاصة بالطفل منها (ملك الطابية)

و(البيئة ف خطر) و (خلوا بالكوا) و (الفدائي الصغير) و(المدرسة الحديثة) و (الست زبيدة)
- قام بكتابة أغاني مسرحيات الأطفال بالثقافة الجماهيرية وغيرها منها (السمة الذهبية) و (طاحونة بهانة) و (مؤامرة متعالب) و (عصفور وجرادة) و (أراجوزيا) كما قام بكتابة أغاني بعض المسرحيات للكبار منها (العين الحمراء) و (درب عسكر) و (أيامنا الحلوة)
- قام بكتابة الأوبريت الغنائي (السويس مدينة الأبطال) الذي تم عرضه قريبا بمدينة السويس بمسرح رينيسانس بتاريخ ٢٢/٢/٢٠٠٥ وهومن إخراج الأستاذ/ أحمد عبد الجليل
- قام بكتابة مسرحية طاقة شوف
- قام بكتابة أغاني أوبريت ملحمة الشهيد .
- قام بكتابة بعض تترات مسلسلات الرسوم المتحركة للتلفزيون المصري منها (هاللو باللو) و (جدي العزيز .. جدتي العزيزة) و (حكاية بوسي)
- له مساهمات في أغنية الطفل .. فقد قام بتأليف مجموعة من أغاني الأطفال على شرائط كاسيت من إنتاج شركة كنوز للإنتاج الفني
- عضو لجنة تحكيم نصوص أدبية بمديرية الشباب والرياضة بالسويس

- سكرتير نادى الأدب بقصر ثقافة السويس ف
الدورة الماضية والتي انتهت بتاريخ ٢٠٠٥ / ١ / ١٤
- حاصل على المركز الأول فى وزارة التربية
والتعليم فى مسابقة النص الغنائى.. كما أن له
مساهمات كبيرة فى التعاون مع مديرية التربية
والتعليم بالسويس من خلال كتابته للنصوص
المسرحية والشعرية والغنائية والخاصة
بأنشطتهم
- نشر العديد من قصائده بالصحف والمجلات
الأدبية والقومية والمحلية صدر له من قبل ديوان
العامية (غياهب) و ديوان العامية (حلم إزاز)
بسلسلة (إبداعات) بالهيئة العامة لقصور الثقافة
- حصل على العديد من الجوائز فى شعر العامية
والزجل فى المسابقات العامة والأقليمية والمحلية
- عضو فرقة السامر المسرحية
- المشرف العام على (ورشة الأدب بنادى المواهب)
بقصر ثقافة السويس
- عضو مؤسس بالجماعة الأدبية بنادى أسوان

رقم الايداع بدار الكتب
٢٠٠٥/٩١١٢

الترقيم الدولي I.S.B.N.
977-6077-10-2

آرت بورت

ت : ٠١٢/ ١١٥٤٠٩٦
فاكس : ٠٦٦/ ٣٦٣٦٦٠٣